



Pou Piblikasyon Imedya: 03/02/2023

GOUVÈNÈ KATHY HOCHUL

GOUVÈNÈ HOCHUL ANONSE DEPATMAN VEYIKIL A MOTÈ YO TE REKIPERE 7.3 MILYON DOLA NAN VEYIKIL AK PYÈS YO VÒLÈ POU NOUYOKÈ YO

New York, Nasyon an ap konstate yon ogmantasyon nan vòl veyikil yo

*DMV ap konbat fwod tou, sa k ap ogmante konsyantizasyon kont vòl konvètisè
katalizè a*

Gouvènè Kathy Hochul te anonse jodi a Depatman Veyikil a Motè (Department of Motor Vehicles, DMV) Eta New York la te ede Nouyòkè yo rekipere 231 machin yo te vòlè ki te gen yon valè ki plis pase 7.3 milyon dola an 2022. Anplis de sa, DMV te rekipere 81 pyès veyikil yo te yo vòlè, ki vo 67,223 dola.

"Depi jou mwen te antre an fonksyon an, sekirite Nouyòkè yo se premye priyorite mwen", **Gouvènè Hochul te deklare**. "Administrasyon mwen an pran angajman pou li retrase epi rekipere veyikil yo vòlè yo epi pou bay Nouyòkè inosan yo jistis ki viktim anba krim sa yo."

Komisè Depatman Veyikil ak Motè Eta New York la, Mark J.F. Schroeder, te deklare, "Anketè nou yo travay di pou pwoteje Nouyòkè yo—non sèlman pwopriyete yo, men tou idantite yo. Rekiperasyon veyikil ak pyès yo vòlè se jis yon pati nan travay empòtan yo fè chak jou. Anplis pou nou vijilan yon fwa nou posede yon veyikil, nou toujou konseye konsomatè yo pou yo saj lè y ap achte yon veyikil yo restore oswa yon machin ke yo te ka vòlè oswa ki te sibi inondasyon."

An konparezon, an 2021, DMV te rekipere 194 veyikil ak 77 pyès pou yon valè total ki se 5.2 milyon dola.

Repatisyon veyikil yo rekipere an 2022 ak valè yo:

Mak	Kantite veyikil	Valè
Acura	8	\$185,125
Alfa Romeo	1	\$25,000
Audi	3	\$105,238
Big Tex trailer	1	\$13,000
BMW	8	\$417,095
Buick	1	\$26,975

Cadillac	4	\$116,245
Can-Am ATV	1	\$4,120
Chevrolet	5	\$149,470
Chrysler	2	\$21,500
Dodge	15	\$631,897
Ford	8	\$110,400
GMC	6	\$231,800
Hino	1	\$35,600
Honda	76	\$2,009,264
Hyundai	5	\$71,520
Infiniti	6	\$220,025
Jaguar	1	\$61,200
Jeep	23	\$1,034,058
Kawasaki	2	\$10,340
Kia	2	\$55,500
KTM	1	\$9,250
Land Rover	3	\$139,038
Lexus	1	\$20,000
Lincoln	2	\$19,600
Mercedes Benz	4	\$192,825
Nissan	10	\$151,041
Polaris	1	\$4,060
Pontiac	1	\$4,000
Porsche	2	\$113,000
Ram	8	\$695,800
RPS	1	\$1,300
Toyota	15	\$413,250
Yamaha	2	\$10,500
Utility Trailer	1	\$250
TOTAL	231	\$7,309,286

Te gen yon ogmantasyon nasyonal nan vezikil yo vòlè. Chofè yo ta dwe sonje fèmen vezikil yo lè yo pake epi pote kle a oswa pòt kle a avèk yo. Pou plis sekirite, pwopriyetè vezikil yo ka sèvi ak aparèy vizib oswa odib tankou alam, frennen oswa bloke wou yo, oswa enstale yon imobilizatè vezikil tankou koupi fizib oswa netralizatè alimaj ak kabiran.

Si yo vòlè machin ou, rapòte li bay lapolis ak konpayi asirans otomobil ou pi vit jan sa posib. Lapolis pral antre enfòmasyon yo nan dosye òdinatè nasyonal ak eta a pou vòl otomobil. Yo pral note vòl la sou dosye tit machin ou an pou ede anpeche yon moun vann vezikil la oswa aplike pou yon tit.

DMV ofri konsèy adisyonèl sou veyikil yo vòlè ak rekipere sou sit entènèt li a, epi ajans la bay tou yon lyen ki pèmèt kliyan detèmine si yo te inonde oswa vòlè yon machin Lè

yo tape Nimewo Idantifikasyon Veyikil la, yon kliyan ka konnen si yon veyikil gen domaj inondasyon ki pa klèman vizib.

Konsomatè yo ta dwe tou fè atansyon lè y ap achte yon veyikil kote afè a parèt twò bèl pou li ta laverite. Yo ta dwe fè atansyon si vandè a ap ensiste sou lajan kach sèlman epi yo ta dwe tcheke pou asire yo ke deskripsyon veyikil ki sou tit la koresponn ak veyikil yo ap resevwa a. Pa egzanp, plak yo ak viyèt enspeksyon yo ta dwe koresponn ak jiridiksyon ki endike sou tit la.

Rekiperasyon vòl otomobil sejis youn nan anpil fonksyon Divizyon Envestigasyon sou Teren DMV a. Ane pase a, envestigatè DMV yo te fè 1,126 arrestasyon ki gen rapò ak fwod, vòl idantite ak itilizasyon fo idantifikasyon pou achte alkòl.

Sou direksyon Gouvènè a, DMV te travay tou ak manm lapolis, Biwo Krim Asirans Nasyonal la, ak asosyasyon konesyonè otomobil eta ak rejyonal yo pou konbat vòl konvètisè katalizè yo. DMV te ede bay konesyonè yo yon nouvo pwosesis ki pèmèt konesyonè otomobil yo grave yon nimewo seri inik ki kapab retrase sou konvètisè katalizè a ke yo ka klèman wè epi lye li a veyiki yo te vòlè li ladan an.

Nan mwa oktòb la, [Gouvènè a te siyen lejislasyon](#) ki egzije konesyonè otomobil yo pou yo estoke epi itilize kit gravi sa yo sou nouvo veyikil yo. Lejislasyon an te amande tou Lwa sou Veyikil ak Sikilasyon pou ajoute konvètisè katalizè kòm yon pati enpòtan nan veyikil, ki pral mande pou demontè machin yo kenbe dosye yo. Chak 60 jou, biznis sa yo dwe rapòte kantite konvètisè katalizè yo te resevwa pandan peryòd sa a. Si yo pa kenbe oswa pwodui dosye sa yo sou demann, se yon deli Klas A epi li ka gen ladan l penalite lajan ki rive jiska double kantite lajan yo te fè nan pran konpozan konvètisè yo swadizan vòlè yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418